



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellvs De Principalitate Romanæ Ecclesiæ

Roth von Schreckenstein, Hieronymus

Ingolstadii, 1550

VD16 R 3252

Ex Immensa Svmmi Pontificis potestate per Vniuersum mundum & principali dextra Petri & Pauli Apostolorum. Colligitur Ecclesiam Romanam esse Principalem.

urn:nbn:de:hbz:466:1-30126

DE PRINCIPALITATE

Nec minus querere regna quam parta tueri. Hoc opus, hic Labor est. Deus enim unus per unicam fidem & unicam Ecclesiam constituet regnum fratrum triumphantium. Cuius sceptrum ab Austriaca domo non auferetur, quod ipsi per totius mundi regna pacem uniuerso Orbi reddentes aureo seculo redeunte extendent.

*EX IMMENS A SUMMI PON-
tificis potestate per Vniuersum mundum & principali
dextra Petri & Pauli Apostolorum. Col-
ligitur Ecclesiam Romanam esse
Principalem.*

DE potestate summi Pontificis superius etiam dictum est. De Clauium traditione & potestatis concessione ubi Iesu CHRISTI uerba in medium adduximus. Nunc quaedam ex Sanctissimorum Patrum Decretis & Iurisconsultorum libris depromere statui.

Et id quidem arduum & difficile, praecipue per tot doctissimos Viros qui de ea re scripserunt. Latissimus enim campus de hac re dicendi requireret peculiarem libellum. Sed nos hic pauca tantum ad principalitatem spectantia attingemus. Et primo ex Sanctissimi Pontificis Gelasij Epistola, quam omnibus Episcopis scripsit in c. Cuncta viij. q. iij.

I. Quod

ROMANAE ECCLESIAE.

I. Quod Ecclesia Romana habet fas de omnibus iudicandi neque cuiquam de eius liceat iudicare iudicio.

II. Siquidem ad illam de qualibet mundi parte appellandum est.

III. Ab illa autem nemo est appellare permissus.

III. Et Apostolica sedes sine ulla Synodo praecedente & soluendi quos Synodus iniquè damnauerat & damnandi nulla existente Synodo quos oportuit, habuit facultatem.

Et hæc immensa potestas non immerito appellatur principalis dextera Apostolorum Petri & Pauli, c. per principalem. viij. q. iij.

Sic igitur Potestas Summi Pontificis principalis est, & Romana Ecclesia principalis. Quod ex ipsa principali potestate colligitur.

Propterea tota & concors Iurisperitorum schola affirmat Papam esse Petri successorem & Vicarium Iesu Christi. Immo Papæ tanquam uicario creatoris omnem creaturam subiectam esse dicunt, atque Vicariatum nedum circa terrestria cœlestia & infernalìa, sed etiam super Angelos bonos & malos habere. Felin. in c. Canonum statuta de Constitut. quem ob breuitatem hinc imitari libitum est. Cætera quæ per mille folia adduci de potestate Pontificia possent, quisque ex Iurisperitorum libris met perspicere poterit. Ad hanc rem sufficet, si ostendere possim ex immensa potestate Pontificis Principalem colligi Romanæ Ecclesiæ. Quam adeo extollunt, ut Papam solum consti-

H iij tutiones

DE PRINCIPALITATE

rationes Concilij tollere posse affirmant. Secundum glof.
in Verb. Concilium in c. Vbi periculum. de Elect.
in vi.

Potest nimirum Papa aliquem eximere à præstatione
decimarum quæ sunt de Iure Diuino c. A nobis, de De-
cimis. & c. Tua nobis. Vbi glof. afferit Papam contra
Ius Naturale dispensare posse, remittendo Decimas. Imò
etiam contra Ius Diuinum, quia licet Christus dixerit, in
ore duorum uel trium omne uerbum stare. Tamen Pa-
pa & Imperator de Maiori in Testamentis disponunt.
L. Si vnus, L. hac consultissima, L. finali, C. de Testa-
men. II. q. IIII, c. Præsul. c. Licet uniuersis de Tes-
tibus.

Et Papæ commissa est tota Monarchia spiritualis, &
Thesaurus omnis dignitatis est in eo, sibi que data est ab-
soluta Potestas ab omnibus uinculis Canonum & Le-
gum. Bald. autem in L. Rescripta, C. de precibus Im-
per. offer. pulcherrimæ Summi Pontificis potestatem ex-
planat, quæ ideo subnectere placuit, quoniam Iuris Ciu-
lis doctissimus Interpres fuit. Ne dicas ea solum à Cano-
num & Decretorum peritis scripta esse. Et præcipue ut
illi qui Iuris prudentiæ operam non dederunt, & quibus
Baldi interpretationes ad manum non sunt, etiam eam
Summi Pontificis sublimitatem cognoscere possint,

Verba